

UNICEF Kalaallit Nunaanni

Ukiumoortumik nalunaarusiaq 2022

unicef 

meeqqanut tamanut

2022: Meeqqat pisinnaatitaaffisa ukkanneqarnerunerat



Aallaqqaasiut

2010-mi Naalackersuisut qanimut suleqatigalugit UNICEF-ip NAKUUSA pilersippaat, tassa taamanili Kalaallit Nunaanni Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa ilisi-maneqarnerulernissaat aamma meeqqat pisinnaatitaaffiisa nukittorsarnissaat sulissutigilerpaat. 2022-mi Naalackersuisut nutaamik periusissiornerminni Naalagaaffiit Peqatigiit Meeqqat Pisinnaatitaaffii pillugit Isumaqatigiissutaata atuutsinneqarnissaa naqissuseqqippaat, taavalu NAKUUSA-mi Meeqqaat Isummorsorfii Kalaallit Nunaata meerartai sinnerlugit oqaaseqartartut naqissuserlugit.

Ukioq 2022-mi aamma Meeqqat Isummorsorfii marloriarlutik ataatsimeersuarput, Kalaallit Nunaanni silap pissusiata allanngoriartornera sammillugu, nunattalu politiikeriint innersuusiorlutik. Ukioq taanna aamma – suleqatitoqqat suleqatillu nutaat peqatigalugit – meeqqat toqqissisimanissaannik aamma pisinnaatitaaffiit tunuliaqutaralugit sinaak-kusersorneqarnissaannik suliniuteqarnerput ingerlateqqippagut.

Naalackersuisut, Inatsisartut, nunatsinni kommuunit inuillu allat meeqqanut tusarnaartut, meeqqallu pisinnaatitaaffiisa atuutsinneqarnissaannik suliniuteqartut tamaasa qutsavigerusuppagut. Aamma suleqatigut pitsaasut uagutsinnullu immersuisartut qutsavigerusuppagut: Timersoqatigiit Kattuffiat, Paarisa, KNI, Center for Folkesundhed i Grønland, Nordea-Fonden, Kalaallit Nunaanni Politiit, Pisiffik, Betoncentralen allarpasuillu.

Aamma MIO, Kalaallit Meerartaat, Kalaallit Nunaanni Røde Kors, suliffeqarfiillu allat uagutsitulli kalaallit meerartaasa pisinnaatitaaffiinik atugassaqartitaanerannillu suliniuteqartut, qutsavigerusuppavut.

Ukiumi 2023-mi suleqatigiilluarnitta nanginnissaannut qilanaarpugut. Meeqqat pisinnaatitaaffiisa qulakkeernissaannut suliassat suli annertupput.

Inussiarnersumik inuulluaqqusillunga

Maliina Abelsen

Suliniutinut aqutsisoq, UNICEF Kalaallit Nunaanni

”

*Ukiumi 2023-mi suleqatigiilluarnitta
nanginnissaannut qilanaarpugut.
Meeqqat pisinnaatitaaffiisa
qulakkeernissaannut
suliassat suli annertupput.*



meeqqanut tamanut

UNICEF Kalaallit Nunaanni kisitsisinngorlugu

Ilinniartitsisunik, Atuarfinnik Meeqqat Pisinnaatitaaffiunik tunngavilinnik,
Nakuusaaqqanillu (elevrådit meeqqat pisinnaatitaaffiunik suliallit) pikkorissaanerit
aqutigalugit UNICEF Kalaallit Nunaanni 2022-mi

meeqqat 38.600-it sinnerlugit

sunniuteqarfigai.

Antallet af medlemmer i Meeqqat Isummorsorfii steg i 2022

arfineq marluusuni

agguataaqqasut meeqqat 54-it

Meeqqat Isummorsorfiini ilaasortaapput.

Paasisitsiniut "Ikinngutaalluarpit? – Er du en god ven?" nittartakkatigut inuit
attaveqaataasigut tamakkiisumik meeqqanut inersimasunullu

376.447-nut anngussimavoq

Meeqqat pisinnaatitaaffii ukkataralugit

2022-mi Inatsisartut Naalakkersuisullu meeqqat pisinnaatitaaffiisa atuutsinneqarnissaat pimoorullugu politikikkut ukkatarilerpaat.

Tamanna ilaatigut periusissiami "Pitsaaliuinerit pitsaanerit, inissiinerit ikinnerit: Ilaqutariinni pitsaaliuinerimik suliaqarnermut iliiusissatut pilersaarut 2023-2030"-mi ukkatarineqarpoq, pingaartumillu "Meeqqat Pisinnaatitaaffii pillugit Naalagaaffiit Peqatigiit Isumaqatigiissutaata malinneqarnissaanut iliiusissatut pilersaarut 2023-2030"-mi ukkatarineqarluni.

*UNICEF Kalaallit Nunaannit tulluusi-
maurutigingaarparput uagut –
NAKUUSA-llu Meeqqat Isummorsorfii
– Meeqqat Pisinnaatitaaffii Pillugit Isu-
maqatigiissutip atuutsinneqarnissaanut
periusissiamut sunniuteqaratta.*



Meeqqat tusaaneqarput

NAKUUSA'p Meeqqat Isummorsorfiisa Kalaallit Nunaata meerartaata oqaaseqartartuisut inissisimane-rat 2022-mi naqissuserneqarpoq. "Meeqqat Pisin-

naatitaaffii pillugit Naalagaaffiit Peqatigiit Isumaqa-tigiissutaata malinneqarnissaanut iliuusissatut piler-saarut 2023-2030"-mi Naalakkersuisut allapput:



”Inersimasut meeqqat isumaat tusarnaassavaat. Inersimasuusinnaapput meeqqap qanigisai, sumiiffimmi inuiaqatigiinni inersimasut, kommunini atorfillit politiikerillu, taavalu naalackersuisoqarfinni atorfillit politiikerillu. Taamaattumik NAKUUSA-mi MI-t annerusumik nukittorsarneqassapput. Kommunalbestyrelsinit innersuussutinit tunniussinmaratik, MI-t Naalackersuisunut Inatsisartunullu aamma innersuutinit tunniussisinnaassapput.”



Silap pissusiata allanngoriartornera sammineqarpoq

Aprilimi Meeqqat Isummorsorfiini ilaasortat 23-it Ilulissani Meeqqat Ataatsimeersuarnerata 2021-ip, corona pissutigalugu kinguartinneqarnikup, ingerlanneqarnerani peqataapput. Ulluni marlunni silap pissusiata allanngoriartornera piujuartitsinerlu suku-miisumik sammivaat. Maj-mi Aalajangersagaq innersuussutinik imalik nunatta borgmesteriinut, taa-valu Meeqqanut, Inuusuttunut, Ilaqutariinnut Peq-

qissutsimullu Naalackersuisumut Mimi Karlsenimut, Nunalerinermut, Imminut Pilersornermut, Nukissiutinut Avatangiisinullu Naalackersuisumut Kallistat Lundimut, Ilinniartitaanermut, Kultureqarnermut, Timersornermut Ilageeqarnermullu Naalackersuisumut Peter Olsenimut aamma Naalackersuisut Siulittaasuannut Múte B. Egede-mut tunniunneqarpoq.



Meeqqat Ataatsimeersuarnerat 2022

Meeqqat Ataatsimeersuarnerat 2021 malitsigalugu decembarimi nuna tamakkerlugu Meeqqat lsummersorfiini ilaasortat 42-ut decembarimi nittartakkatigut Meeqqat Ataatsimeersuarnerat 2022 ingerlappaat – matumuuna silap pissusia-ta allanngoriartornera aamma silap pissusianut tunngasunik siammarterisarneq pillugu suku-miisumik sammisaqarput. Meeqqat ataatsi-moorlutik borgmesterinut Naalakkersuisunullu januarimi 2023-mi anngussaminnik oqalugiaa-siorput, iluarsissutissatut siunnersuutinik kaju-missaarutinillu imaqtumik.

Oqalugiaataat uani takuuk [link](#)



Kommunit peqatigalugit anner-tuumik anguniagaqarnissamut isumaqatigiissut

2022-mi aamma NAKUUSA kommunillu peqatigiil-lutik annertuumik anguniagaqarnissamut isumaqa-tigiissuteqarput, tassani meeqqat inuusuttullu kom-munerisaminni oqartussaaqataanerat sunniuteqar-sinnaanerallu qulakkeerneqassalluni. Kommunimi sumiiffimmi Meeqqat Isummersorfii atuarfinnilu Nakuusaaqqat aqputigalugit meeqqat pisinnaati-

taaffimminnik ilisimasaqarnissaat suliniutigissavar-put, taavalu Naalagaaffiit Peqatigiit Meeqqat Pisin-naatitaaffii pillugit Isumaqatigiissutaata atuutsinne-qarnissaa qulakkiissallutigu. Suleqatigiinnissamut isumaqatigiissut 2025-ip naanissaata tungaanut atuuppoq.





Meeqqanut ulloq qalipaatissoq

Meeqqat Ulluanni NAKUUSA'p ikinngutiginnerit pitsaasut Colorryn-ertitsinikut malunnartippai. Nuna tamakkerlugu atuaqatigiiaat 71-it, atuarfiit 35-it meeqqeriviillu pingasut arpatsitsinermi qalipaatissumi peqataapput.



Ikinnguataalluarpit? Er du en god ven?

Ikinngutiginnerit pitsaasut aamma paasisitsiniummi "Ikinngutaalluarpit?"-mi NAKUUSAp ukiami 2022-mi saqqummerseqqitaani sammineqarput. Filmini pingasuni ikinngutaalluarneq meeqqanullu maligasiuisuunissaq sammineqarpoq. Paasisitsiniutip oqariartuutigisaanik pingaarutilimmik inuit ilisimaneqarluartut, soorlu ukuusut: William Gantzhorn, Katti Frederiksen, Paninnguaq Lind og Kimmernaq Kjeldsen, nittartakkatigut inuit attaveqaataasigut oqariartuutisinnik siammartereqataapput, paasisitsiniullu nittartakkatigut inuit attaveqaataasigut

inunmut 376.447-nut anngussimalluni.



Ataatsimoorluta Aalasa



Timersoqatigiit Kattuffiat aamma UNICEF Kalaallit Nunaanni, Paarisa, Center for Folkesundhed i Grønland taavalu Kalaallit Nunaanni Politiit suliniummik annertuumik suleqatigiissuteqarput, KNI-mit Nordea-Fonden-miillu taperneqartumik. Meeqqat inuusuttullu timersornerup silarsuaani toqqissisimanartunik, peqqinnartunik peqataatitsisunillu sinaakku-teqarnissaat suleqatigiit tamarmik sulissutigissa-vaat.

Upernaap ingerlanerani Ataatsimoorluta Aalasa-mi meeqqanut isiginnittaariaaseq suliarineqarpoq, tasani timersornerup silarsuaani inersimasut meeqqanut qanoq pissuseqarnissaat sammineqarluni. Julimit decembarimut suliniut Oeqqata Kommuneani misilerarneqarpoq. Suliniutip Kalaallit Nunaat tamakkerlugu siaruartinginnerani misileraanermi paasisat aallaavigalugit suliniutip imarisai nalimmasarneqassapput aqqissorneqarlutillu.

”

Ukiap aallartinnerani Nordea-fonden

6.985.500 kr. *koruuninik suliniummut tapersiivoq*

Ataatsimoorluta Aalasa-p nuna tamakkerlugu siammarterneqarnissaa aningaasaateqarfiup tapersiinerata qulakkeerpaa.



Pisiffimmi sulisut inuusuttut ilitsersuisoqalissapput

UNICEF Kalaallit Nunaanni aamma Pisiffik augustusimi 2022-mi meeqqanik isiginnittaatsimik, meeqqanut politikimik sulisunullu inuusuttunut ilitsersuisoqarnissamik isumaqatigiissuteqarput. Meeqqat pisinnaatitaaffii pillugit isumaqatigiissut aallaavigalugu inuusuttut suliffimminni atugarissaarnissaat taavalu suliffeqarfimmut attaveqarnerat nukittorsarnissaat isumaqatigiissutaapput. Ilitsersuisoqarnis-

samik periuseq inuusuttut suliffimmi piginnaasaat inuttullu ineriartornerat nukittorsarnissaannik siunertaqarpoq, siunissamilu suliffeqarfinni sulinissaannut piareersassallugit, ilitsersuisoqarnissamik periuseq aamma meeqqat pisinnaatitaaffiisa ilisimaneqarnerulernissaat anguniagaraa.

UNLEASH

Augustusimi meeqqat tallimat Nuummi Nakuusaaqqaneersut Meeqqallu Isummorsorfianeersut UNLEASH-mi nutaalortitsinermik sukumiisumik sammisaqarnermut peqataapput. UNICEF-ip UNLEASH-imi suleriuseq meeqqanut tulluarsarlugu

suliaraa. Meeqqat ilinniarnissamut tunngasunik ajornartorsiutunik sammisaqarnissartik toqqarfaat, tassanilu inersimasut UNLEASH-mi peqataasut naligalugit ajornartorsiummut siunnersuusiatic saqqummiuppaat.



Kunngissap nuliata, Mary-p, pulaarnera

UNICEF Kalaallit Nunaanni augustusimi ataqqinaa-tilimmik pulaarteqarput, tassa Kunngissap nulia Mary Nuummi allaffitsinni pulaarmat. Tassunga atatilugu Generalsekretærip Susanne Dahl-ip, Suliniutinut Pisortap Maliina Abelsen-ip taavalu Suliniutinut Aqutsisup Aviaaja Pregaard-ip UNICEF Danmarkip Kalaallit Nunaanni suliniutigisai saqqummiuppaat.



MIO UNICEF-ip nersornaataanik tunisippoq

Nuannaarutigalugu 2022-mi, UNICEF Danmarkimi siulersuisut sinnerlugit, Kalaallit Nunaanni meeqqat pisinnaatitaaffiisa atuutsinneqarnissaannik suliniuteqarfik MIO, aamma Meeqqanik Illersuisoq Aviâja Egede Lyngge, UNICEF-ip nersornaataanik tunivarput. MIO-p qasusuilluni Kalaallit Nunaanni meeqqat atugarisaat pisinnaatitaaffiilu sammineqarnissaat suliniutigiuarpaat, tamannalu nersorneqarpoq.

Ulloq taanna immiussaq takuuk [link](#)

